



UKA 2015/160-01

08.10.2015

**Utoqqalinersiaqarneq pillugu Inatsisartut inatsisaat nr. Xx,xx,xx-imeersog**

Utoqqalinersiaqarneq pillugu inatsisartut inatsisissaattut siunnersuut Partii Naleqqamiit imannak oqaaseqarfingissuarput.

2016-imut aningaasanut inatsisissatut siunnersuut siullermeerneqarmat Partii Naleqqamiit utoqqartavut pillugit ilaatigut imaattunik oqaaseqaateqarpugut:

Utoqqalinersiaqalertarnermi ukiut qaffanniarneqarnerat Partii Naleqqamiit akuersaarsinnaanngilarput, tassami suli ilaqpugut inunniq sulerulussimaneerup kingunerisaanik suleqqinnissamut nukissaarussimasunik, taamaammallu utoqqalinersiuteqalernissaminnut utaqeqqissinnaanngitsunik, kisianni aamma nalunngilarput ilaqluta 65-it angullugit ukioqalereersimangaluarlutik suli peqqissunik nukissalinnillu suleqqissinnaasunik .

Taamaammat Partii Naleqqamiit isumaqarpugut utoqqalinersiuteqalersinnaanermut ukiorititat qaffanngikkaluarlugit utoqqaat 65-inik ukioqalertussat peqqissut nukissallillu suliinnarsinnaanerminnut pinngitsaalisaanatik periarfissinneqartariaqartut.

Partii Naleqqamiit utoqqartatta qaqlugu inuiaqatigiinni sulereerlutik toqqisisimanartumik nuannersumillu utoqqalinissaat assorujussuaq pingaartipparput. Taamaammallu aamma utoqqaat, appaasut aningaasarsiai apeqqutaatinnagit utoqqalinersiuteqalernissaat suleqataaffigerusupparput, kisianni Partii Naleqqamiit aamma assut pingaartipparput taama aqqisoqassappat, tamanna utoqqarnut kingunipiloqartinnejassanngitsoq, tassami siusinnerusukkut takoreernikuungatsigu utoqqalinersiuitit taamani qaffaallanneqarmata, illuatungaatigut utoqqaat taamanikkut assigiinngitsutigut piiaaffigineqartut, taamaaliornikkullu qaffaaneringaluaq iluamik sunniuteqanngitsoorluni.

Taamaammat mianerisassat taamaattut tamaasa ilanngullugit sillimaffigineqarnissaat Partii Naleqqamiit piumasaraarput, tassa utoqqartatsinnut pitsaanerpaamik aaqqiissuteqarnissaa qulakkeerumallugu.

Partii Naleqqamiit oqaaseqaativut qulaani issuarneqartut aaliangiusimavagut, taamaammallu aamma aliangiusimallugu utoqqartatsinnut atugassaritaasut ullumikkorniit ajunnginnerungaartariaqartut.

Utoqqarnut ataqqinninneq aamma utoqqartatta sutigut tamatigut pitsasunik atugassaqartinneqarnissaat tamatta pisussaaffingaarput, taamaattumillu utoqqaat amerliartornerat ernumanartutut isigiunnaarlugu nuannaarluta utoqqartatta peqqinneruleriartornerat inuunertusiartornerallu nuannaarutigalugu, utoqqaat qanumut suleqatiginerullugit paaseqatiginerullugillu atorfissaqarfisiigut atorluarniarniartigik, tassami utoqqartatsinnut qujassutissarpassuaqarpugut.

Oqareernitsituut utoqqartaqarpugut sulerulussimanerup kingunerisaanik suleqqinnissaminnt naammattunik nukissaqanngitsunik, taakku nuannersumik isumannaatsumillu isumagineqarnissaat tamatta inuiaqatigiinni pisussaaffingaarput naammassiniartariaqangarput.

Aamma utoqqartaqarpugut 65-ileereeraluarlutik suli peqqissunik suleqqinnissaminnullu nukissaqarluartunik piumassuseqartunillu.

Tassami aamma sinerissami sumiiffiit ilaanni utoqqartaqarpugut allaat 95-it sinnerlugit ukiulimmik suli ukioq mannamut suliffimminik ingerlatsisumik. Tassa pinngitsaalisaannginnerup aqqani nammineersinnaanerup aamma nukissaqartitaasa ilai taama pinertutigisinnaapput.

Taamaattuumik utoqqaat pinngitsaalillugit 1. Januar 2017-miit 66-inik ukioqalersimasut utoqqalinersiuteqalersinneqartalernissaannik aamma 1. Januar 2021-imiit 67-inik ukioqalersimasussat utoqqalinersiuteqalertarnissaannik siunnersuut Partii Naleqqamiit isumatiginagulu akuersaarsinnaanngilluinnarpalput.

Siunnersuummi kommunalbestyrelsimit utoqqaat suliinnarsinnaanerminnik qinnuteqaqqaartarnissaat periarfissinniarneqaraluarpoq, kisianni siunnersuummi § 1 immikkoortoq 4 naapertorlugu Naalakkersuisut malittarisassanik ersarinnerusunik

aaliangersaasartussaapput, qularnangitsumik communalbestyrelsemiit  
socioqunneqarsinnaanngitsunik.

Partii Naleqqamiit isumaqarpugut taamatut aaliangersaaniarneq allaffisornerulernissamik  
aammalu utoqqarnut sullissiniarnermik eqartumik pilersitsissasoq.

Taamaammat isumaqarpugut utoqqarnut pisortanullu pisariinnerpaamik  
aaqqiissutaasinnaasoq tassaasinnaasoq, utoqqalinersiuteqalernissamut ukiorititat  
ullumikkutuut atuutsiinnarneqassasut, kisiannili utoqqaat 65-ileereeraluarlutik  
suliinnarsinnaanermut inatsisitigut killilersungaanngitsumik periarfissinneqartariaqartut,  
taamaaliornikkut utoqqaat 65-inik ukioqalereersimasut naminneq nalunngissusertik  
aammalu pisinnaasatik naapertorlugit qaugu suliunnaarnissamut aaliangersinnaanerat  
ataqqineqartariaqartoq, utoqqaat qulaaniit naalakkinngikkaluarlugit.

Tassami massakkutuut siunnersuut akuerineqassangaluarpat, immaqa communalbestyrelset  
inunnik ataasiakkaanik tamakkiisumik ilisimasaqarpiangitsunik, immaqalu  
napparsimmaeveqarfimmuit misissuinertalinnik piumasaqaatitalinnik aaliangiiniartarnerit il.il.  
utoqqaat sullinneqarnerannut pisortallu allaffisornerisa suli annertuseriaataannik  
kinguneqartumik suliakkiinernik malitseqarsinnaanerat annertusarneqarsinnaasoq  
takorloorneqarsinnaavoq.

Taamaammat utoqqaat naminneq nalunngissusiat kiffaanngissuseqassusiallu ataqqillugu  
inatsisiliornissaq Partii Naleqqamiit orniginartinneruvarput, allaffisornerup allatulluunniit  
utoqqartatsinnik sullissiniarnerup kinguarsarneqarsinnaaneraniit.

Utoqqaat appaasup aningaasarsiai apeqqutaatikkunnaarlugit  
utoqqalinersiuteqartinneqartalernissaat Partii Naleqqamiit suleqataaffigerusupparput, kisianni  
taama oqareerluta tamakkiisumik qulakkeerumavarput, utoqqarnut atugassarititasut sukkuut  
pitsangoriaateqassanersut aamma qanoq malunnaateqartigisumik aaqqiisoqassanersoq  
paasilluaqqaarumavarput, tassami inatsisissatut siunnersuummi oqaaseqaatit naliginnaasut  
naapertorlugit siunnersuut manna 2013-imi naatsorsuutit naapertorlugit utoqqarnut 83-inut  
ningaasaqarnikkut ajorseriaateqalaarsinnaasoq naatsorsuutigineqartoq oqaatigineqarmat.

Aperisariaqarpugullu ajorseriaat utoqqaat ilaannut qanoq annertutigissava ?

Siunnersuutip saqqummiunneqarnerani suut tamarmik kusanartut tusarlugit, Partii  
Naleqqamiit takorluuleraluarparput, kiisami utoqqaat ajunngitsumik naammanganartumillu

pineqarnialerput, kisianni paasinarsereerpoq, utoqqaat ilaannut una siunnersuut  
aninggaasaqarnikkut ajorseriaatinik kinguneqassasoq.

Ukiut 20-it ukioq mannarpiaq nallerpaa, inunnik isumaginninnermut ataatsimiititaliarsuaq taamanikkut inatsisartunit pilersinneqarmat, ilaatigut anguniangaalluni aamma utoqqaat pitsaanerusunik atugassaqalernissaat, kisianni ukiut 20-it maanna anguvai, suli utoqqartatsinnut killiffik nikingaarsimanngitsoq, tassa utoqqaat sipaarniarfigineqarnissaat naalakkersuinikkut salliutinneqartuarmat.

Partii Naleqqamiit uagut assut pingaartipparput, utoqqartavut inuaqatigiinni ukiorpassuarni suleqataareersimasut aammalu akileraarutitigut aningaasarparujussuarnik inuaqatigiinnut iluaqutaareerlutik utoqqalisut, pisortaniit qujassutissaqarfigineqarlutik inuunermi sinnerani isumakuluuteqaratik nuannersumik utoqqalinissaat tamatta qulakteertariaqarippuit.

Tusarniaanermi allaaserineqartuni Partii Naleqqamiit maluginiarparput utoqqaat Peqatigiiffiat sorliungaluarnersoq tusarniaaffigineqartunut ilanngunneqarsimasoq. Nalunngisavut naapertorlugit utoqqaat sinerissami peqatigiiffippassuaqarput. Taakkua allaat tusarniaaffigineqarsimanoersoq nalunarpooq, taamaammallu qularnanngitsumik tusarniaaneq aamma utoqqarniit tupinnanngitsumik akissuteqarfigineqarsimanngitsoq, tassa utoqqaat kattuffiat tusarniaaffigineqarsimanngimmat.

Naalakkersuisullu aperisariaqarpagut soormi utoqqaat kattuffiat  
tusarniaaffigineqarsimannginnersoq ?

Tusarniaanermi akissutigineqartut eqikkassangaanni tusarniaaffigineqartut arlallit aamma kommuniniit inatsisissatut siunnersuutip atuutilerfissaas 1. Januar 2016 siusippallaarsorineqarpoq suliassat piareersaatissallu assigiinngitsut, pikkorissartitsinerit il.il. eqqarsaatigalugit.

Tamatumani aamma Isumaginninnermi Naammagittaaliuuteqartarfiup inatsip kingusinnerusukkut atuutilersinneqarnissaa inassutingaa.

Aamma inatsisissatut siunnersuummi utoqqarnut saniatigut tapit peerneqarnissaannik siunnersummut Isumaginninnermi Naammagittaaliuuteqartarfik ilaatigut imannak allagaqarpoq:

“Saniatigut tapit atorunnaarnerisigut Isumaginninnermi Naammagittaaliuuteqartarfik anannertunerusumik suliassaqalissasoq innuttaasut amerlanerusut

naammagittaalliuuteqarnissaat ilimagineqarsinnaammat. Saniatigut tapit peerneqarpata ilimagineqarsinnaalluarpoq utoqqalinersiallit amerlanerusut aningasaqarnikkut pissakillisarnerinik kinguneqassasoq... Ilutigalugu kommunini sullisisuni utoqqalinersiallit utikattumik tapiutissanik qinnuteqaateqartarnissaat ilutigalugu annertunerusumik allaffissortoqalissasoq”.

Taamaammat Partii Naleqqamiit assut ernumanartipparput siunnersuutit utoqqarnut suli pissakinnerusunut aammalu kisimiittunut suli ajorerulersitsisinnaanerat.

Inatsisisstatut siunnersuutip § 25-iat tusarniaanermi ilaatigut apeqquserneqartut aamma ilagaat, tassa utoqqalinersiat eqqartuussisarnermi inatsisikkut akiligassanut ilanngaasorneqaqqusaannginnerat tassuuna illersungaareeraluarmat, tamannali Naalakkersuit akissuteqarnerminni soqutiginngittutut akissuteqarfigimmassuk Partii Naleqqamiit assut pakatsissutingaarput akuersaanngilluinnarlugulu.

Aamma Isumaginninnermi Naammagittaalliuuteqartarfik akiligassanik ilanngaassuisalernissamut tunngatillugu imannak allappoq:

“Pisortanut akiligassaqartoqartillugu utoqqalinersianit akiliisitsisoqarsinnaanermi akiligassat suut pineqarnersut nassuiarneqarnissaannik pisariaqartitsisoqarpoq”

Aamma malunginiarparput Inuit Pisinnaatitaaffiinut Kalaallit Nunaata Siunnersuisoqatigiivisa utoqqalernersiaqalernermi ukioritinneqartut 2017-imni 66-inut qaffanneqarnissaat siusippallaartoq oqariartuutaasa ilagingaat. Tamannalu Partii Naleqqamiit isumaqatigilluinnarpalput.

Taakku aamma ineqarnermut tapiissutaasartut pillugit uparuagaqarput, tassa utoqqaat ilaat namminerisaminnik illulli ineqarnermut tapiissutinik pissarsineq ajormata, tamannalu utoqqarnik immikkoortitsinerusoq aamma oqaatigineqarpoq.

Tassami Partii Naleqqamiit aamma utoqqaat ilaanniit saaffigineqartarnerput tunngavigalugu paasisimavarput, kiassarnermut aningasaartuutit ineqarnermut tapiissutinut ilanngunneqartannginnerat inunnut pissakinnerusunut utoqqarnullu assorujussuaq oqimaattorsiortitsisarmat, soorlu tamanna aamma siusinnerusukkut oqaluttarfik manna atorlugu oqaatigereernikuungippuit.

Taamaammat utoqqarnut naammanginartumik aaqqiisoqassappat tamakku tamaasa ilanngullugit nalilorsorneqartariaqartut Partii Naleqqamiit piumasaraarput.

Tusarniaanermi akissutigineqartorpassuit soqutiginartut tamaasa immikkut oqaaseqarfiginngikkaluarlugit Partii Naleqqamiit piumasaqaatingaarpuit, suliap aappassaanneerneqannginnerani utoqqaat kattuffiat tusarniaaffigineqassasoq aatsaallu utoqqaat kattuffiat tusarniaaffigineqareerpat, siunnersuutip aappassaanneerneqannginnerani ataatsimiitaliami susassaqartumi sukumiisumik suliarineqarnissaa inassutigineqassasoq.